

princ~o (filo de princo); hund~o (naskito de hundino); bov~o estas nematura bovo Z; la filoj, nepoj k pranepoj de reĝo estas reĝ~oj Z; la Hebreoj estas Izrael~oj, ĉar ili devenas de Izrael Z; la Napoleon~oj esperis longe ricevi denove la tronon de Francujo Z; brut~oj Z; kreska~oj Z, plant~oj Z.

II\* Memstara samsignifa vortero. 1 Naskito, infano, filo : *geedzj kun multaj ~oj*. 2 Postulo; postnepo post inultaj generacioj : *ni estas tiuj la ~oj de Adam*. 3 (f) Disĉiplo : *la ~oj de Apolono, de Orfeo, de Platono, de Lutero, de sankta Bruno*. ~aro. 1 Aro de la homoj devenantaj de sama praavo. 2 Posteularo. 3 Disĉiplaro.

**Ideo.** Abstrakta koncepto de la spirito pri objektoj aŭ ecoj; pensajo, komprenajo: *havi nenian ~on pri la maziko, pri ĵuslo k malĵuslo; vera, falsa, ĝusta, klara, malklara ~o; per asociado de la ~oj ~oĉeno (~asocio); estas neeble havi ~on pri lia riĉaĵo Z; ĉiuj tiuj ~oj dancas, valsas en mia cerbo; venis al mi en la kapo la ~, ke...; bona ~o venas post la pereco Z; la ~op ri arbo, Dio, lingvo internacia; ni ne scias el kia lingvo Z prenis la ~on de la nedifina prepozicio je; entuziasmiĝi, batali, morli por ~o; la doktrino de Platono pri la ~oj. Kp IMAGO, KONCEPTO, IDEALO. ~a. 1 Imaga; ekzistanta nur en la spirito, sed ne en la realo: la ~a mondo; ~a riĉeco (Kp AERA, ĤIMERA, VANA, SUBJEKTIVA). 2 Ideala (Ev). ~ismo. Filozofia sistemo, laŭ kiu la materia mondo estas ŝajno, ekzistanta nur en nia spirito, ne en la realo (Kp SUBJEKTIVISMO). ~isto. Adepto de la sistemo de ~ismo. Sam~ano. Tiu, kiu havas komunan ~on, komunan celon kun aliaj: la esperantistoj sin salutas ordinare per la vorto « sam~ano ».*

**Ideala.** Konforma al la ideo, kiun ni havas pri la perfekteco : ~aj formoj ; ~a beleco, perfekteco ; ~a virino. ~o. La plej alta perfekteco, kiun oni povas imagi sed neniam plene atingi : la ~o revita de la poeto ; konstanta paco estas plej nobla ~o de la homaro. ~igl. Doni al io aŭ iu ~an karakteron : ne estas bone tro ~igi la mondon k la homojn, ĉar tio preparas kruelajn elreviĝojn. ~ismo, ~eco. 1 Celado al ~o, al perfekteco ; senzorgo pri

la reala vulgara vivo (Kp SPIRITUALISMO). 2 Ideismo (Ev). 3 Koncepto pri arto kiel tradukanto de ia ~o, ne kiel sklavema imitanto de la realo (Kp REALISMO). ~isto Z. 1 Hoino, kiu celas al ~o, ne zorgante pri la krudaj faktoj de la vivo (Kp REALISTO). 2 Ideisto. (Ev) Sen~a. Ne zorganta pri ~o, atenta nur pri la materia flanko de lamondo.

**Identa.** 1 Tute simila ; sama : *esti ~a kun io* Z ; *ambaŭ vortoj estas ~aj* Z ; *la du kongresoj prenis ~ajn decidojn* ; *la moralaj ecoj ne estas ~aj ĉe ĉiuj homoj*. Kp EGALA. 2 Ĝuste unusola, unusama kio ne alia ol tiu, pri kiu temas ; mema : *tio povas eble esti bazila sur tiu interna ideo, sed neniam esti rigardata kiel ~a kun ĝi* Z. ~eco. 1 Plena simileco ; sameco : *la ~eco de ambaŭ projektoj estas evidenta* ; ~eco pri la ideoj. 2 Eco de persono, kiu estas vere ne alia ol li asertas esti aŭ ol oni kredas, ke li estas ; memeco : *starigi la ~econ de akuzilo ; pruvi sian ~econ* (Kp LEGITIMADO). ~igi. 1 Igi aŭ opinii ion ~a kun alia : *oni ne devas ~igi registaron de iu ŝtato kun la popolo mem* B ; *la akloro devas ~igi sin kun la persono, kiun li ludas* ; *oni ne devas ~igi iun ajn politika-religia kredon kun esp-o nek la liberpenson kun ateismo* Z. 2 Trovi la veran individuecon de iu aŭ io : ~igi krimulon, kadavron ; ~igi pentraĵon (trovi ĝian aŭtoron) ; ~igi nomon de loko (trovi la antikvan respondantan nomon). ~iĝi. Iĝi ~a kun iu aŭ io : ~igi kun sia modelo, rolo ; *lia vivo preskaŭ ~iĝis kun tiu granda entrepreno*.

**Ideografio.** Sistemo de skribado, en kiu oni reprezentas ne la sonojn de la vortoj, sed la ideojn mem helpe de ĉiuspecaj signoj, desegnoj ktp : *la ĥinoj uzas ĝisnun ~an skribadon.* ~**ajo.** Desegno aŭ signo reprezentanta ideon : *la ciferoj estas veraj ~ajoj.*

**Ideologio.** 1 Scienco pri la deveno kaj formiĝo de la ideoj. 2 Idearo de iu: *mistika ~o*; *la ~aj faktoroj ludas grandan rolon en la historio.*

\* **Idilio.** 1 Poemeto pri laŭnatura, kampara vivo, k plejofte pri naivaj amoj de paŝtisto: la *~oj de Teokrito, Vergilio*; (f) *~a vivo, pejzaĝo.* 2 Trankvila k naiva amo: la *sennuba ~o de lia infanaĝo.* KP EKLOGO.